

## Wien, Österreichische Nationalbibliothek (ÖNB), Cod. 11764

2187

## L I T U R G I C I .

2188

taniae OO. SS. Officium pro Defunctis, et a fol. 118. quaedam lingua *Germanica*, videlicet Oratio Ducus prolixa ad Deum et Coelites, Methodusque de peccatis confitendi. Quae sequuntur ante et post S. Coenam dicenda rursus *latina* sunt, hisque omnibus praefixa Picturae Ducebant ipsum cum Aula sua exhibent, quas longum foret minutius persequi. Succedunt deinceps *Preces* variae ad diversos Coelites, quibus cum in consulta aevi credulitas singularem quandam efficaciam tribueret, eaque praeviis rubricis de praedicaretur, manus quaedam censuram in eas rubricas exercuit, partim voces quasdam eradendo, partim alias literas dextre interpingendo, ut adeo, *Codice* tamen non deturpato, aegre admodum legi, aut intelligi queant, minimo certe damno. Imago ultima ad sic dictum *Veronicae Sudarium* celebrem ingressum in urbem quandam imperiale ostentat. Vir princeps extra urbem cum Conjuge *Sudarium* illud praeferente genuflexus oppositum habet pariter in genua prociduum alium Principem se majorem, in quo *Fridericum III.* Imp. videre mihi videor. Universe dici vix potest, quantum in ornando hoc Libro velificatus sit Phantasiae suae *Albertus* pictor, quem in *Lutherum* propendisse, non uno loco conicias. Viris ecclesiasticis singulariter affectus tam bene curata cute passim illos proponit, ut vel Diva *Yveta* invideat.

## DCCCCXVIII.

Codex membraneus lat. germ. C. 958  
Sec. XVI. Folior. 265. in 12.  
bene scriptus, adlatusque e Parthenone *Halenji Tyroleos* Collectio est *Litaniarum* privato ingenio concinnatarum de nomine *Iesu*, de Eucharistia, de Sanguine Christi, de B. V. Maria pro singulis Hebdomadae diebus, de Angelis, S. Michaeli, Antonio Patavino, OO. SS. item pro Fidelibus defunctis, demum de S. Spiritu, quae omnes, ultimis exceptis, latine primum, tum germanice leguntur. E facris Literis, Patribus et Conciliis excerptas esse, passim monetur in titulis. Literas L. E. Z. O. posteriori parti Thecae inscriptas interpretor: *Leopold. Erzherzog. zu Oesterreich.*

## DCCCCXIX.

Codex membraneus lat. gall. R. 1066  
Sec. XV. Folior. 214. 4. per quam nitide exaratus, praeter margines omnes eleganter deauratos et picturatos, multasque minoris SS. Icunculas, L. Picturis grandibus varia Sacra repraesentantibus artificiose cultus, Preceptorius est, et sequentia continet: *Calendarium* minus populosum, in quo minio scripti 23. Apr. *Gerardus* ep. 9. Maji *Translacio sancti nicholai*, 11. *Gengulphus* mart. 25. *Urbanus* papa et mart. 3. Sept. *Mansuetus* ep. 15. Aper. ep. *Tullenensis*. Cum praeter hunc vulgo *Saint Eure* (Eber germ.)

2189

## C O D I C E S

2190

dictum etiam *Mansuetus* (*Saint Mansuy aut Mansù*) *Tullensis* in *Lotharingia* Antistes fuerit, S. praeterea *Gengulphus Tulli* Ecclesiam collegiatam habeat, vix dubito Codicem nostrum ibidem scriptum suisse. Itaque etiam post paucas Orationes dicendas ante receptionem Corporis Christi prima statim effigies S. *Apri* est cum ejus Commemoratione. Sequuntur Horae B. Mariae Virg. in quibus post *Primam* habetur Commemoratio S. *Libariae* vulgo *Sainte Libaire* aut *Libiere* Virg. et Mart. pariter *Lotharae*, quae cum fra-

tre *Elifio* vulgo S. *Aloph* a. 362. passa est 16. Octob. ut notant Martyrologi et *Surius* cum *Bailleto*. In nostro Calendario frater solus, et non nisi nigro adscriptus est. Ad *Tertiam* multa Columbarum Paria margini adpieta sunt, quaedam etiam Aves solitariae cum Lemmate: *Qui par non par*, et fol. averso Corolla precatoria cum Lemmate: *Devot lui suis*. Post *Vesperas* exhibetur Icon Lacrimae super calicem deciduae, Gallis *la saincte Larme* cum Hymno hujus initii:

*Sainte larme glorieuse de ihesu christ nostre pere  
Du ciel pierre precieuse des yeulz sante et lumiere  
Sur le ladre fuste ploreer par compassion humaine  
De l ange prisne et donnee a marie magdalainne.  
Saint maximin te gardat et en son temps te tient chiere.  
Puis apres te possedat De constantin lempereur.  
A vendome ta fit estre Godefroy d aniou noble conte &c.*

En historiam in nuce hujus Lipsani Benedictinorum *Vindocinensis* um, de quo extat *Vindocini* impressa *Historie véritable de la Sainte Larme anonymo e Congr. S. Mauri Scriptore*. Eam fibi confutandam sumxit eruditus *πανερτιάς* J. B. Thiers Dissertation sur la Sainte Larme de Vendome, Paris. 1699. 8. cui Mabillonius opposuit *Lettre d'un Benedictin à M. l' Eveque de Blois*, Paris. 1700. 8. minus tamen ipsi Lipsano, quam bonae fidei Depositariorum patrocinari solicitus. Ego solum noto lapsum Librarii nostri, qui pro Lazare scripsit la- dre, et ad Codicem redeo, in quo

Horae de Conceptione B. V. sequuntur, et quidem immaculata; habetur enim in Oratione: *ipsam sine macula concipiendam — in matrem preordinasti*. Unde mirum, praefixam esse *Tertiae* Iconem Papae (Sixti IV?) religiosis quibusdam Viris, qui dominicani videntur, Librum porrigentis. Succedunt Horae S. Crucis, et de S. Spiritu, item Orationes ad varios Coelites, quarum primae praeit Imago Deiparae cum Prole, quibus Mas et Femina ramusculos offerunt in apicibus literas L et W deferentes, atque hae fortasse Possessorum nomina indicant. Fol. 130. depicta est *Catharina Senensis*